



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o izmjenama Odluke o stipendiranju učenika srednjih škola iz Budžeta Grada Sarajeva
(Prijedlog)

Predlagač: Gradonačelnica
Obrađivač: Gradska služba za obrazovanje,
sport, kulturu i mlade

Sarajevo, decembar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav (1) tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i člana 15. Odluke o stipendiranju učenika srednjih škola iz Budžeta Grada Sarajeva („Službene novine Kantona Sarajevo“, broj 7/22), Gradsko vijeće Grada Sarajeva, na __. sjednici održanoj dana __. __. 2022. godine, donijelo je:

(Prijedlog)

**Odluku
o izmjenama Odluke o stipendiranju učenika srednjih škola iz Budžeta Grada Sarajeva**

Član 1.

U Odluci o stipendiranju učenika srednjih škola iz Budžeta Grada Sarajeva („Službene novine Kantona Sarajevo“, broj 7/22) u članu 4. stavu (1) tački a) alineja 6) se briše. U članu 4. stav (2) se briše.

Član 2.

U članu 6. tačka h) i alineje 1) 2) 3) 4) se brišu. U članu 6. tačka k) se briše. Dosadašnje tačke i) j) postaju tačke h) i).

Član 3.

U članu 7. stav (2) se briše. Dosadašnji stav (3) postaje stav (2).

Član 4.

U članu 10. stav (2) mijenja se i glasi: „Nakon obrade i analize svih pristiglih prijava, Komisija sačinjava listu stipendista te istu dostavlja gradonačelniku/ci Grada Sarajeva na saglasnost.

Član 5.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo, __. __. 2022. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav (1) tačka 2. Statuta Grada Sarajeva kojim je propisano da Gradsko vijeće Grada Sarajeva donosi odluke, druge propise i opće akte i daje njihovo tumačenje, te članu 15. Odluke o stipendiranju učenika srednjih škola iz Budžeta Grada Sarajeva kojim je propisano da se izmjene i dopune Odluke vrše na način i po postupku za njeno donošenje.

RAZLOZI DONOŠENJA

Grad Sarajevo je u januaru tekuće godine donio novu Odluku o stipendiranju učenika srednjih škola iz Budžeta Grada Sarajeva. U toku provođenja pomenute Odluke, nakon raspisivanja Konkursa za stipendiranje učenika, obrada pristiglih aplikacija bila je izuzetno otežana. Učenici, odnosno roditelji su morali dostavljati mnogo dokumenata, što je za većinu bilo nejasno i komplikovano, a na osnovu kojih ipak nije bilo moguće utvrditi sva primanja, što je i bio cilj prilikom uvođenja kriterija, „Ukupni prihodi po članu domaćinstva u odnosu na prosječnu platu u Federaciji Bosne i Hercegovine za prethodnu godinu i kriterija „Ovjerene izjave roditelja/staratelja da primaju odnosno ne primaju finansijska sredstva od paušala, prihoda od rada u komisijama, upravnim i nadzornim odborima, skupštinama i odborima za reviziju“. Dostavljani su sasvim različiti dokumenti kao dokaz o primanjima, Uvjerenja iz Porezne uprave, pored tog što su bila sasvim drugačijeg sadržaja od onog što je traženo u Konkursu (većina je upravo to dostavila), zbog propisanog roka dostavljana su u dvije faze, što je dodatno produžilo sam tok realizacije, od obrade aplikacija do sačinjavanja konačne liste. Također, izjavom o primanju/ne primanju paušala, prihoda od rada u određenim komisijama i tijelima (izjave su date i ovjerene u općini, vjerodostojnost istih može biti upitna), nije se postigla prvobitna zamisao da se na izvjestan način ograniče da djeca čiji roditelji primaju paušale ili druge naknade u komisijama i tijelima ne dobiju bodove ili dobiju neki minimum bodova po gore pomenutim kriterijima, čime bi se stvorili preduslovi da djeca sa niskim porodičnim standardom i otežanim uslovima budu u prednosti. Zbog svega navedenog bilo je dosta nezadovoljnih aplikacija, odnosno roditelja, procedura je trajala duže nego ranijih godina i mnogo je nepotrebne, nepotpune i nejasne dokumentacije. Kako je u pitanju dugogodišnji uspješan projekat Grada Sarajeva, a što potvrđuje činjenica kontinuiranog rasta broja prijava na Konkurs za dodjelu stipendija, detaljnom analizom ustanovljeno je da je ipak potrebno pristupiti izmjeni Odluke. Navedeno je bio i stav zajedničke Komisije za razmatranje, obradu i analizu pristiglih prijava na Konkurs za dodjelu stipendija iz sredstava Budžeta Grada Sarajeva, kao i stav nadležnih radnih tijela Gradskog vijeća Grada Sarajeva. Shodno naprijed navedenom, cijeneći izuzetan značaj ovog projekta, kao i potrebu da se što većem broju aplikacija omogući stipendija, Gradsko vijeće Grada Sarajeva donijelo je ovu odluku.

OBRAZLOŽENJE PREDLOŽENIH RJEŠENJA

Članom 1. Odluke izvršene su izmjene u članu 4. osnovne Odluke.

Članom 2. Odluke izvršene su izmjene u članu 6. osnovne Odluke.

Članom 3. Odluke izvršene su izmjene u članu 7. osnovne Odluke.

Članom 4. Odluke izvršene su izmjene u članu 10. osnovne Odluke.

Članom 5. Odluke propisuje se stupanje na snagu.

FINANSIJSKA SREDSTVA

Finansijska sredstva za realizaciju ove odluke nisu potrebna.